

青州府志卷之八

人事志一

官署

荀子云守道不如守官異乎余所聞夫張官置吏各有攸司盡瘁奉公何莫非道彼其出政令尊瞻視自上而下位署列焉是亦道也循名求之無曠官矣

府治

在城東北古在城西北即元益都路總管府

國朝

年詔建齊藩知府張思問移城東南十四年知府

官署

青州府志卷八

周彥臯又移城東北即今治也天順中知府趙偉

建訓導南昌吳自周記

郡守古諸侯也凡其所守之郡必為堂皇合羣僚列

坐其間以聽政在昔有是制焉歷久朽敝相襲為守者值其敝不能不關於心能起其敝其賢於此驗矣青州府舊堂作始於洪武十四年及今經八十稔敝益甚前守皆視此為一宿之遽廬惟補苴罅漏支持朽腐而已矣天順戊寅夏初今守上黨趙公偉以萊州別駕領薦來任每值雨雖擎蓋蔽雷滴以視事尤必欲急先務而不亟及之明年郡邑學宮倉廩驛傳既皆鼎新而後經始其事又明年八月二十有六日撤舊僦功因豎舊敝所事勿遷就工匠必親擇之工於矩度者不使操斧鋸工於規畫者不俾事切磋日搞之以酒食間則考其功之上下而予賚之故工無不勤財木必親度之莖脆之材不以為梁棟么唇之材不以為榱桷雖構攬侏儒亦各擇其材故事無不善凡所需無一

不備皆公平素節縮公用之美餘者以待用故民
不知勞財不見費而成功易也堂之為楹十八
居上基前六楹并為軒架植其簷而在下基者又
六焉皆覺而弦直礎稱之為間五旁贅耳房疊三
梁以負極參差虹偃椽稱之縱邃五丈橫廣倍之
崇則仍其舊匹其址也料飾於楹拊攢於拱研節
侵而不鏤簷阿巒而不鞞椽以板幕覆則以甃函
題基以沙實砌則合甃成盤四周皆疊甃為垣不
施坏墜欲其堅也埤鐸塼飾滋髹采繪不侈時制
尚其質也露臺甬道甃甃完固臺之陞纍石為小
臺上置石盤刻以支干植表以定時刻敬天時也
道之中亭覆戒石親書其銘陰勒四箴出入常目
在之厲志節也舊日吏胥退食無節鑄鍾懸於堂
右初食以辰為限至午乃中食皆聽六扣而後去
立常法也墀內舊植類椿之樗孕蠹而枯者數本
預防摧壓及人物悉去之廣仁心也改植穉栢十
有八株貴後周也翼堂左右者經歷有司照磨有
所遵定執也及兩越陽月工皆告訖二守荆公詔

官署

青州府志卷八

判府曲公嶽宋公盛節推錢公達皆謂自周曰吾
守作郡未及三載不動聲色百廢具興余輩亦幸
借其潤竊其光焉苟不識事雖美弗彰子無吝焉
粵稽唐章宙作永州新堂觀者贊且賀曰見公之
作知公之志公之因土以得勝豈不欲因俗以成
化公之擇惡而取美豈不欲除殘而佑仁公之蠲
濁而流清豈不欲廢貪而立廉公之居高以望遠
豈不欲家撫而戶曉柳子請志于石以為二千石
措法今趙公守青州興教化富儲積館使臣之所
企形傑構而斯堂又作新之其於政教之基大成
豈直永州一堂之美而已哉青民感公煦諭而頌
公治效者颯颯盈耳又奚翅唐人逆探韋使君之
志而已哉矧斯堂之作匪棘其欲以侈外觀所謂
承流宣化在是端本澄源在是後之繼公為治者
觀其成功原其作堂之心思繼其美相與邁聲成
於無窮庶不使斯堂為虛器斯記為虛文也

化初知府李昂正德中知府朱鑑嘉靖初知府江

珊相繼修嘉靖四十三年知府杜思重修中為正

堂扁曰至道常熟錢有威記

曰先王辨九土之宜輕重遲疾剛柔內外

揆文奮武戎索夏索方各異制究其大歸同底于道蓋昔者太公治齊通商惠工海岱之間遂為盛國至其立國規模尊賢尚功遂以成俗雖周公逆知其後多僭忒而公終不以此易彼也豈非勢之所趨雖聖人不能強之使一而要之無詭於道是乃所以為同歟說者徒泥孔子齊變至魯魯變至道遂謂齊俗驚誕去道甚遠漸磨歲月方可庶幾而不知人存政舉自昔為然苟得光明俊偉若近世范富二君子者委責成之振舉幹旋丰采立異況其上耶孔子蓋歎齊扭富強恬不知變設為此論非直謂至道若此其難也蓋嘗即齊世家而論之桓公之東征西略何異太公之侯伯寔征桓公之尊周定儲何異太公之夾輔王室桓公之鼓鬻鹽筴何異太公之通惠商賈桓公之舉仲庸朋何

富者

青州府志卷八

三

異太公之尊尚賢勲顧心於夾輔則為王道心於封殖則為伯功心術稍異事功頗別而苟職民社者潛心積慮尊主庇民于以化民定俗又安知其不比隆古始也恨無是志耳青州古齊境也臨淄營丘比耦左右穆陵東海森列遐邇山川餘勝聖哲遺烈凝神遐覽宛若在目而風移世下輒謂封建郡縣異道井田阡陌異業世及遷除異勢課日程勞視若傳舍其勤恪吏則知致謹於簿書期會撤取聲譽不啻謂足語及隆古不以為迂即以爲異而不思道在人心罔有今古變通振飭惟在其人苟徒諉于世之不及而不咎志之不立又何怪于治之不古若也武川杜公以卓越之識雄達之氣來守茲郡去其煩苛振其墮弛諸所建置務為舉目振士民向風矣又以其餘校哀郡志徵文學四明薛君晨日相訂叅凡往踪成式民風國俗撫籍興懷公蓋不以其已能者自足而復古之志于是益切云甲子春余自廣川量移東年假館于公

論議迥出時流余躍躍矣已而與公商推治理各有條貫起視堂陞湫監圮頽罔稱瞻示余意特達若公而此若有類于慎嫌怠事之為者竊疑之而未扣也是歲夏歸自濟南郡志適成堂之黜聖丹青權棟角級秩然煥然倏易觀矣蓋公和其民而後用之又絜綱投縈令屬具徒鳩材各董其事公乃考成糾弊且審曲面勢因舊作新無後無廢是以不煩而事集公佐王君簡李君春馨李君田劉君建齊君仲賢輩為余言此而公議扁其堂曰至道時文學薛君亦至合辭謂宜乃屬余記余謂治民猶治室公審于王伯之辨因其俗而化成之又何異于構此堂也所以媿美富范而追蹤尚父者不在茲耶公名思字子睿武川其號四明鄞人由丙辰進士尚書工部郎中為今官茲其發軔云

東西相夾為庫

天順元年知府徐郁遷將盈庫于此

後為川堂

扁曰自公

為後堂

扁曰出政

堂後有亭樹題名碑東為架閣庫庫

官署

青州府志卷八

四

南為讀律堂

知府杜思建

西為軍器庫庫南為資深堂

知府杜思建

北為知府宅正堂南為箴石亭東西列曹

吏房凡十五

東吏房雜科收科總科禮房將盈庫架閣庫西兵北兵南刑北刑南工房

承發司經歷司照磨所

正堂東為經歷廳循東有夾道北為

同知宅為經歷照磨宅正堂西為照磨廳西為鑿

駕庫循西有夾道北為通判宅推官宅又南為通

判宅為檢校知事宅直西為理刑廳為司獄司儀

門外東為土地祠為清軍廳西為寅賓館

知府杜思建

捕盜廳

公署常居顏神鎮

大門外列陰陽醫學于左右

大

學士毛紀題名記

曰青州於古為名郡寔海岱間

循良稱者亦不易得蓋以職在近民得人與否利害隨應而天下之治忽恒必由之厥任之重也較然矣我聖祖誕一寰宇建官分治尤慎斯選自洪武初以迄于今閱歲滋久其間名宦相繼固不乏人而題名未有為之者嘉靖丙戌望江江君珊以冬卿即官出守茲郡政暇稽往牒詢遺跡凡得守倅若干人惕然作曰此而非識何以示後乃彙次其名址及履歷之槩圖刻諸石以傳永久惟青在禹貢為九州之一居東方少陽之地武王分社之青土以封太公於茲為齊國州是以名形勝物產為東方最營丘廣固治所相沿始爽鳩以迄康公遷徙不常咸世屏王室寔為鉅藩秦廢侯衛漢兼守相雋不疑李膺諸公寔知六條之體故一時境內晏然稱治魏晉而下雖品秩官署之不同要皆有民社之寄焉六朝隋唐體統分更用匪其人卒基藩鎮之變訖於五季日衰一日使非寇富范

官署

青州府志卷八

五

歐諸賢趾美迭治以培養之則亂亡之患可跂足而待矣此無他蓋當夫民淳事簡之時雖王成之偽猶足以為矧以龔黃輩臨之有不治邪今天下閭閻周察風俗流漓非昔者比誠有古人之所難為者以龔黃治之猶不易矧加以王成之偽徒欲苟且目前以需速化而於民生之休戚國家之安危漠焉不加之意雖欲求理其可得乎此江君為郡政通人和之餘所以有感於中而為是舉其欲企前休而垂後鑒豈細故哉嗣是蒞茲土者相觀而警循名責寔凜然知所趨向以漢宋諸賢自期待由是而上追虞周之盛使他日明史傳循良者有采焉則於國家建官分治之初意斯無負矣不然吾恐後之人必有指其名而議之者矣可不懼哉江君廉慎自持有志於古者嘗與予子主事渠有同寅之雅因請余記之乃託其交通政使張公廷獻具以狀白廷獻端亮識治體者其言皆可為之記

國朝

職官 知府一員正四品 佐同知一員正五品 清軍兼協

理堂事通判三員 管糧二捕盜一員正六品 推官一員

正七品 幕經歷一員正八品 知事一員正九品 照磨一員

從九品 檢校一員未入流 儒學見學 稅課司在北門內 大使

一員從九品 巡攔十二人 永阜倉大使一員從九品 副使

一員未入流 撥典一青社驛見驛 僧綱司在彌陀寺 都

綱一員從九品 副都綱一員未入流 道紀司在城隍廟 都紀

一員從九品 副都紀一員未入流 養濟院在南門內

官署

青州府志卷八

六

察院行臺在府治西 成化三年知府李昂建中為正堂

前為露臺為重軒東西列廊房中為儀門外為大

門正堂後為川堂為後堂左右為耳房為庖舍又

後為小軒大學士劉珣記曰司憲度者之有臺自秦漢始臺有內外之號

不一蓋內臺則都御史所居外臺則提刑一方者

所居若都御史為天子安民於外去住靡常時

或止焉之所則謂之行臺臺之所係其責豈輕也

哉夫君子之善為政者又豈故緩於為臺哉東藩

之青社大郡也面山濱海土肥利饒形勝甲於諸

郡乃城中有所謂按察之分司而無行臺成化歲

甲子都御史晉陽原公奉命撫臨東藩遂及青

日惟止於分司太守李文舉慨然曰他百司且有

公署都御史可無臺乎何以宣教令示等威稱觀

瞻一趨向也肆即城西北隅構焉構之之勞太守

身任之財因素積工使非官府人不與時當農隙故其事舉易周圍凡若干畝外中門皆三間堂五間東西廂十二間後堂如前制廂半之兩堂之虛植以松柏行列如人儀輪奐美而棟宇翬飛節梲華而金碧交映巍巍乎其臺矣臺既成告于公公命曰行臺乃佯來京師懇翊紀其實夫都臺以責人為職也教令以宣責人理也等威以示責人義也觀瞻以稱責人貌也趨向以一責人心也以逮百官之失職民吏之蒐慝服讒廉政者皆得以責之夫人皆有責而已獨無責乎位之有所不知知之有所不言言之有所不行行之有所不堪此都憲之責也都憲不暇責而天下得以責之惟其不難於責已則能稱其責而臺其所臺非徒然之臺矣惟公以東藩為責故東至於海西抵於河朔無不服其威德是能不負於茲臺太守能不緩於為臺是亦以青郡為責也於是並文其事于石

布政分司

海岱門內

宣德十年叅政王哲建中為正堂

官署

青州府志卷八

七

東西列廊房前為露臺為儀門為外門正堂後為川堂西為庖舍左右為書吏房後為小軒

按察分司

在布政司南街規制同上

兵備道

在南門內稍東見兵防

分署

在顏神鎮

益都縣治

附廓舊在城西北

洪武八年移西南十四年移

東北

其址即晉之燕行宮金之統軍司元之普照寺

中為正堂堂之東為

庫樓為後堂為知縣宅左為縣丞宅右為主簿宅為典史宅為吏舍正堂南為箴石亭旁列曹吏房架閣庫中為儀門東為土地祠西為獄又東為馬

房南為塞門旁列收糧舍申明旌善二亭列於大

門左右嘉靖中知縣張鎬張舜臣胡宗憲何廷錦

相繼修鐘樓

舊在十字街北弘治十一年知縣金祿改築玄帝觀內

職官知縣一員

正七品

佐縣丞一員

正八品

主簿一員

正九品

幕典史一員

未入流

以下十二縣同儒學

見學校

稅課局

在顏神鎮裁革

臨淄縣治

舊在城西北

洪武四年知縣歐陽銘移建于

城中正德六年流賊燬知縣馬暹復建中為正堂

前為箴石亭左右列曹吏房中為儀門儀門東為

官署

青州府志卷八

八

土地祠西為獄為馬房中為大門建譙樓於上正

堂後為退思亭又後為知縣宅左為縣丞宅右為

主簿宅為典史宅為吏舍大門外列申明旌善二

亭於左惠民藥局居右

嘉靖三十六年知縣衛心建

儒學

見學校

稅課局

在縣治西裁革

陰陽學

縣治西南

僧會司

在西天寺

道會司

在龍華觀

永平倉濟農倉

俱在縣西南

預備倉

今廢

養濟院

縣治

南西

察院行臺

在望京門內即縣舊治

布政分司

在縣治西

按察分司

在縣治東

制俱同府治**職官**

同益都縣稅課大使一員

博興縣治

在城東

元末兵燬洪武元年知縣趙文奎

建中為正堂為川堂堂之東為庫西為馬房又後

為知縣宅東為縣丞宅為典史宅西為主簿宅前

為吏舍正堂前為箴石亭左右列曹吏房儀門外

東為土地祠西為獄南為大門建譙樓於上申明

旌善二亭列於外**儒學**

見學校

陰陽學醫學

俱縣治西**稅**

課局

縣治西南

僧會司道會司

在景濤在西門內

預備倉

縣治西

養

濟院

縣治西

官署

青州府志卷八

九

布政分司

縣治西

按察分司

縣治東

職官

同益都縣稅課局大使一員

高苑縣治

在城西北

正統間主簿何友能建中為正堂

東西為兩庫又鑾駕庫架閣庫附焉堂之後為後

堂為知縣宅東為縣丞宅典史宅西為主簿宅宅

前為吏舍為官倉為預備倉正堂前為箴石亭列

曹吏房於左右又前為儀門門之外為土地祠西

為獄中為大門

知縣徐海重修

門上建譙樓

嘉靖二十年知縣杜鏞建

旌善申明二亭分列於大門之外**儒學**

見學校

陰陽

學醫學

俱縣治 東南

僧會司

在普濟寺

道會司

在城隍廟

養濟院

在縣 治西

布政分司

在縣 治西

按察分司

在縣 治東

職官

同益都縣 丞一員 訓導一員

樂安縣治

在城 西北

天順五年知縣狄惠重建正德六

年兵燬知縣張宗德復加構治

正堂後 堂吏舍

嘉靖二十

四年知縣王本固建左右吏舍

八間

中為正堂後

為川堂堂之東西為庫後為知縣宅東為縣丞典

史宅西為主簿宅堂之又西為吏舍正堂前為箴

官署

青州府志卷八

十

石亭左右列曹吏房中為儀門門內西為獄門外

東為土地祠前為大門上建譙樓

元縣尹衛 思温建

御史

韓傭記

曰夫君子興作蓋不獲已焉魯新作南門 春秋譏之以其可已也允協時宜奢儉適

中政有籍民不勞是惟無作則君子與之矣益 都屬曰樂安地行民駸訟獄滋殖首於劇劇公宇 誠不暇恤太定之元達魯花赤海中葺廳事三年 冬平陽衛公思温繇昌邑簿最績陞尹茲邑令行 政孚間與僚屬議出俸金改作大姓張居敬王仲 允程福高鈞房仁李真輩喜曰明府及此邑人利 也願輸材陶甃相助於是撤其前門仍舊基建重 屋於其上周以危闌壓以文石華不至侈質無近 俚俯瞰闐闐屹為麗譙復置鼓節晨昏又創退食 堂十二楹增廳事兩傍室既落成民曰懿哉是役 庶力無假賢令利我也苟無以紀其歲月後其何 知乃奉屬邑文學李布古狀請書於石公宇完繕

非以美觀臨民布政實由此焉由圯陋而修顧可少後然令者所以寄民社也使道者還愁者澤宿弊以艾藏姦以撻丞嘗昏嫁歡相往來固宜光簡策勒金石今衛公蒞事僅期財力未拓而民人欲令一邑之善豈非不獲已而順時益政也歟他時政成俗易遐邇取法予雖寡昧猶能為公大書之

大門外左**申明旌善二亭**右**惠民藥局儒學**見學校

陰陽學醫學稅課局俱縣南**官倉預備倉**俱縣西北**養**

濟院縣東**僧會司**縣治**道會司**縣治

布政分司在縣治西

按察分司在縣治東**府館**在縣西北**職官**同益都縣裁革稅課局大使一員

壽光縣治在城西北隅**洪武三年縣丞黃彬修成**

官署青州府志卷八 十一

化十六年知縣鄭珏增修中為正堂為後堂又後

為知縣宅東為縣丞典史宅為吏舍西為主簿宅

正堂左右列曹吏房中為箴石亭為儀門東為土

地祠西為獄中為外門**儒學**見學校**稅課司**縣治西南

陰陽學縣治東南**醫學**縣治東**僧會司**寧義寺**道會司**養濟

院城西南

布政分司縣治西南

按察分司縣治東南**府公館**縣治西南**職官**同益都縣稅課大使一員

昌樂縣治舊在城東南**洪武三年署縣事密州同知李**

益徙建東北即今治也中為堂知縣方天然修左為幕廳

右為庫為後堂知縣李錡建又後為知縣宅東為縣丞

宅西為主簿宅東南為典史宅西南為吏舍正堂

前為箴石亭左右列曹吏房中為儀門門內為獄

前為大門上建譙樓知縣方天然黃軌徐琮相繼修旌善申明二

亭在察院西儒學見學校稅課局縣治南陰陽學醫學縣治

東僧會司在臥佛寺道會司在玉霄宮預備倉養濟院俱縣治西

察院行臺布政分司按察分司俱縣治東職官同益都

臨朐縣治在城東北元至治初縣尹董翌建國朝洪

官署青州府志卷八士

武初知縣陳棟天順中知縣卜釗成化中知縣史

效相繼修正德六年兵燬知縣雷啓東重建中為

堂為後堂又後為知縣宅東為縣丞宅西為主簿

宅東南為典史宅為吏舍正堂前為箴石亭左右

列曹吏房中為儀門左為土地祠右為旌善申明

亭亭右為府館前為獄東為預備倉前為大門建

鐘樓西向知縣賈對大門東建鼓樓亦西向知縣褚實建

邑人郎中黃禎題名記臨朐故無題名臨朐題名自光山王家士始王子曰

官管也無攷名則無攷年無攷年則無攷事無年與事是無縣也官也何觀乎惟是王子始蒐迭架

閣起唐李道賓迄今嘉靖三十有一年計尹得五
十三人佐貳得七十四人尉得三十三人爰勒之
石若曰之人也行也政也在志流風在邑一切皆
昔在人心故茲不特錄焉君子曰題各易義哉將
鑿混沌以昭氏乎抑將寄敬畏於石乎將立無言
之教於參參以示觀乎悲哉古今人物之化儻其
無窮也往者吾不前來者吾不及夫各字者陳迹
也大道磅礪吾人寄磅礪於天地茫乎若大江之
一壺何所寄託而所可寄託者在人心一寸之靈
惟夫一寸之靈不昧而後敬畏之心常生斯道也
千載一日也信斯言也斯役也獨不可以寄至道
於無言之石昭姓氏於無窮以示觀乎哉今譬之
博者人一馬也我一馬也以大觀之則天地亦一
馬也孰能玄而孰能黃耶孔子曰我之與人也誰
毀誰譽人之生也同氣故不同質不同質故不
同行不同行故不同政然以道觀之則同也以心
觀之則亦同也古今無兩心天地無二道然則王
子之石其將以心觀萬世乎夫我之觀人也猶人
官署

青島府志卷八

三

之觀我也苟敬畏起於一觀則一切可觀矣苟敬
畏滅於一觀則一切不足觀矣故觀不足觀在我
而不在人不然則斯石也塊然已矣硜然已矣各
之題何益於天地之間哉吾聞邑有宰自秦人未
置郡縣始也若子游之武城子賤巫馬期之單父
閔子騫之費各垂聲千載道載厥衷固弗賴於一
觀而無往不觀故無不足觀也夫道通於一者也
道通於一而牛刀而琴而星而汶上與今之石皆
可一也苟不通則道斯裂矣又曷觀是故君子要
諸心焉臨胸古伯氏駢邑自郛而西則故漢氏朱
虛春秋邢郛三邑之一劉章之故封也晉鄆子
名其山為小泰山蓋今境內之東鎮沂山代多名
賢即如勝國之尹猶有狄子子英陳子仲祥者亦
足觀不識今記如二子者得幾人乎王子忠信而
寡慾治民不擾直而樂廣而儉守道日固予觀久
矣故不得辭其樸樸而伐石為斯迂濶之談以俟
後之有道
君子云

儒學

見學

陰陽學醫學

縣治

僧會司

在萬壽寺

道會司

在紫

養濟院

城隍廟西

存留倉

縣治

布政分司

萬壽寺東正統四年知縣任榮建歲久圯嘉靖二十八年知縣王家士改建

按察分司

縣治

職官

同益都縣

安丘縣治

在城

洪武二年重建成化七年知縣謝

鎮修弘治十八年知縣王敬之復加修拓中為堂

旁為耳房為庫為鑾駕庫為後堂又後為知縣宅

左為縣丞宅右為主簿宅典史宅為吏舍正堂前

為箴石亭左右列曹吏房為儀門門左為土地祠

官署

青州府志卷八

西

右為獄為外門旌善申明二亭列於大門外儒學

見學

稅課局

縣治西

陰陽學醫學

俱縣治

僧會司

在間

道會司

在重

預備倉

縣治

官倉

縣治

養濟院

在小

布政分司

縣治

按察分司

縣治

府公館

縣治

職官

同益都縣裁革稅課大使一員

諸城縣治

在正北

即密州故治洪武元年改為縣

知縣金汝穆增修弘治十二年知縣鄧萬斛拓修

庫嘉靖中知縣鄭坤增建

正廳退

中為正堂右為

典史廳前為箴石亭東西列曹吏房前為儀門儀門外左為土地祠東西列小廳為丞簿分理處正堂東為庫樓後為退思堂又後為知縣宅左為縣丞宅右為主簿宅左轉南為典史宅為吏舍為馬房右轉南為獄前為大門建譙樓于上門之外迤

東為陰陽學

旌善亭

西為醫學

申明亭

宋蘇軾密州判官廳記

始尚書郎趙君成伯為眉

余其鄰邑人也故知之為詳君初任丹稜而今稱之還眉於是始識君其後余出官于抗而君亦通守臨淮同日上下謁辭相見於殿門外握手相與語已而見君於臨淮劇飲大醉於先春亭上而別及移

官署

肅府志卷八

圭

守膠西未一年而君來倅是邦余性不愼語言與人無親踈輒輸寫肺腑有所不盡如茹物不下必吐乃已而人或記疏以為怨咎以此尤不可與深中而多數者處君既故人而簡易疏達表裏洞然余固甚樂之而君又勤於吏職視官事如家事余得少休焉君曰吾廳事未有壁記乃集前人之姓名以為屬於余余未暇作也及為彭城君每書來輒以為言且曰吾將託子以不朽昔羊叔子登峴山謂從事鄒湛曰自有宇宙而有此山登此遠望如我與卿者多矣皆堙滅無聞使人悲傷湛曰公之名當與此山俱傳若湛輩乃當如公言耳夫使天下至今有鄒湛者羊叔子之賢也今余頑鄙自放而且老矣然無以自表見於後世自計且不足而況能以及子乎雖然不可不以一言使數百年之後得此文於頽垣廢井之間者茫然長思而一歎也

儒學

見學

稅課司

在守禦所

僧會司

在華

道會司

在王
虛觀
存留倉在明**預備倉**凡八處**豐盈倉**在縣**養**

濟院在甸宣坊西

察院行臺在雙門內嘉靖三年知縣李宗樞賀民地建始為兵備道行署十四年知縣張

桂改察院行臺

布政分司在西市洪武初知縣金汝穆建

按察分司在肅綱街洪武初知縣金汝穆建始為察院行臺嘉靖十四年知縣張桂改為

按察分司

府公館在城隍廟東舊驛址

職官同益都裁革稅課局大使一員

官署

青島府志卷八

六

蒙陰縣治在城內正北**元**延祐二年縣尹武秀創建

國朝洪武三年知縣柳玉十年知縣胡彥藩永樂

間知縣王礪天順間知縣魏本揚泰成化間知縣

白良輔弘治間知縣毛紀伏章正德間知縣田藍

相繼修六年為流賊兵燬嘉靖元年青州左衛經

歷康一鵬重建中為正堂旁為架閣庫東為典史

廳前為箴石亭列曹吏房於左右又前為儀門儀

門之內左為土地祠右為獄正堂後為川堂為後

堂又後為知縣宅左為縣丞宅右為主簿宅右南

為典史宅為吏舍外為大門旌善申明二亭列於

東西儒學見學**陰陽學醫學**縣治**僧會司**在南竺二

道會司在太清觀**預備倉**在西門北**養濟院**在東關

布政分司在東門外

按察分司在縣南洪武二年建**府公館**在東門外**職官**同益都縣

一員訓導一員

莒州治在朝元坊**國朝洪武元年知州趙麟重建弘**

治二年知州林璿修中為正堂旁為吏目廳為庫

房前為箴石亭左右列曹吏房為儀門門內為獄

官署

為土地祠儀門外列廊房十餘楹正堂後為川堂

為耳房為後堂又後為知州宅東為同知宅西為

判官宅吏目宅外前為吏舍為大門上為譙樓知

州趙麟記曰青之屬州惟莒地大而民衆賦稅之

入率居五之一東際大海西接蒙陰南

臨淮沂北負穆陵其俗驚而黠其人樸而少文力

農桑以給衣食不為浮誇侈靡之事元政既衰兵

革荐起莒之民棄耒耜而趨戎伍者十室而九豪

強肆志貧窮日以益困故莒於他州事藁政弛號

為難治皇上建吳國之元年山東平詔宰臣選
吏撫安乃以陵陽牟魯為同知金華方伯溫為判
官建德李康為吏目頒印授事以來于莒明年正
月上即皇帝位重念山東之民久罹荼毒慎簡
牧守麟時備員監察御史拜命出知是州至之日
即州之故治延見父老宣上德意民情歡悅莫不

以手加額曰 明天子在 上賢公卿在下 幸不即死復觀太平之盛矣 先是州治為鎮守者所據 有司即他所聽事 卑隘弗稱 及牟君等至 始復于舊 然而上漏傍穿 弗庇風雨 於是申勸率之 令鳩材 訓工理而新之 凡四閱月 而工畢 蒞政有堂 燕坐 有室門 庶翼然 譙樓 翬飛 規制仍昔 而輪奐加美 焉 既而合同僚而論之 曰 國家肇造 區宇任賢 使能 一新庶政 而吾儕實應首命 來治茲土 是不可以不記也 衆咸曰 然於是 哀其實 申明亭 旌善 而書之 命刻諸石 禪來者有所考云

亭 列州 **儒學** 見學 **稅課局** 在州 **陰陽學** 在州 **醫學** 在州

僧正司 **道正司** **永豐倉** 俱州 **養濟院** 州治

布政分司 州治 **按察分司** 州治 **府公館** 布政分 **職官** **知州** 一員 從五

官署 青州府志卷八 **品** **同知** 一員 從六 **判官** 一員 從七 **吏目** 一員 從九

稅課局 大使一員

沂水縣治 屬州在 **元至治三年** 縣尹苑華重修

國朝 永樂二十年復修正德六年賊燬八年知縣汪淵重建中為正堂東旁為庫西為典史廳南為箴石亭列曹吏房於左右前為儀門門內為獄門外為土地祠為清軍管糧二廳正堂後為川堂為後堂為知縣宅縣丞主簿典史宅為吏舍分置於左右外為大門建譙樓於上**申明旌善二亭**列於

勞儒學見學校 稅課局在南門外 陰陽學在城 醫學在城 僧在城

會司在梓衆寺 道會司東門內街北 存留倉俱在縣 預備倉治西北 養在縣

濟院在城東南二里

察院行臺在縣治南

布政分司

按察分司俱縣治東 職官同益都縣課局大使一員 裁革稅

日照縣治屬州在城中 洪武二年建弘治十五年知縣

白汝舟重修中為正堂東為典史廳西為鑾駕庫

東為架閣庫正堂後為知縣宅主簿宅典史宅前

官署 **青州府志卷八** 九

為吏舍於東西堂之南為箴石亭列曹吏房於左

右儀門內為獄外為土地祠中為大門申明旌善

二亭列於外之東儒學見學校 陰陽學縣治外 僧在縣

會司在普照寺 道會司在寺右 預備倉俱在縣 廣豐倉治北 養在縣

濟院在縣治南

布政分司在縣治西南今廢

按察分司在縣治東 府公館在縣治西北 職官同益都縣 革縣丞一員

訓導 一員

青州府志卷之八終